

黃石公案書

✓
張商英註

黃石公素書

北平武學印書館印行

民國三十五年十月再版

(黃石公素書)

註釋者 張 商 英

印刷者 武學印書館印刷部

發行者 武學印書館營業部

總館 北平：琉璃廠

分館 重慶：中正路

不准翻印

歷代名臣兵法

曾胡治兵語錄白話句解

一冊

戚繼光

語錄
練兵之研究

一冊

趙註孫子十三篇

一冊

評註七子兵略註解

一冊

中國歷代名人戰陣一補

一冊

中國歷代名人戰陣一補註釋

一冊

中國歷代名將義勇小史

一冊

中國歷代名將小史

一冊

中國歷代名將事略

一冊

歐戰名將法國福熙將軍事蹟

一冊

平

北

武學印書館出版

原序

黃石公素書六篇按前漢列傳黃石公圯橋所授子房素書世人多以三略爲是蓋傳之者誤也晉亂有盜發子房塚於玉枕中獲此書凡一千三百三十六言上有秘戒不許傳於不道不神不聖不賢之人若非其人必受其殃見人不傳亦受其殃嗚呼其慎重如此黃石公見子房而傳之子房不得其傳而葬之後五百餘年而盜獲之自是素書始傳於人間然其傳者特黃石公之言耳而公之意其可以言盡哉余竊嘗評之天人之道未嘗不相爲用古之聖賢皆盡心焉堯欽若昊天舜齊七政禹敍九疇傳說陳天道文王重八卦周公設天地四時之官又立三公以燮理陰陽孔子欲無言老聃建之以常無有陰符經曰宇宙在乎手萬物生乎身道至於此則鬼神變化皆不逃吾之術而況於刑名度數之間者歟黃石公秦之隱君子也其書簡其意深雖堯舜禹文傳說周公孔老亦無以出此矣然則黃石公知秦之將亡漢

帶石公素書序

二

之將興故以此書授子房而子房者豈能盡知其書哉凡子房之所以爲子房者僅能用其一二耳書曰陰計外泄者敗子房用之嘗勸高帝王韓信矣書曰小怨不赦大怨必生子房用之嘗勸高帝侯雍齒矣書曰決策於不仁者險子房用之嘗勸高帝罷封六國矣書曰設變致權所以解結子房用之嘗致四皓而立惠帝矣書曰吉莫吉於知足子房用之嘗擇留自封矣書曰絕嗜禁欲所以除累子房用之嘗棄人間事從赤松子遊矣嗟呼遺粕棄滓猶足以凶秦項而帝沛公況純而用之深而造之者乎自漢以來章句文辭之學熾而知道之士極少如諸葛亮王猛房喬裴度等輩雖號爲一時賢相至於先王大道曾未足以知髣髴此書所以不傳於不道不神不聖不賢之人也雖有離無之謂道非有非無之謂神有而無之之謂聖無而有之之謂賢非此四者雖口誦此書亦不能終身行之矣

宋張商英天覺撰

武學印書館

服 務 工 作 大 綱

營 部

函 購 部

印 刷 部

爲促進軍事教育起見，特發行軍訓部頒行之軍事學校部隊教科書，並各種參考書，應有盡有，倘蒙惠購不勝歡迎。

爲達成全國軍事教育之普及，使軍民人人有軍事智識，且爲各埠之有志軍學者購讀便利起見，特設函購部，備有詳細目錄，函索即寄。

承印各軍事學校及各部隊之一切軍事書籍表冊，印刷精美而迅速，價格從廉。

素書

漢 黃石公撰

宋張商英注

原始章第一

夫道德仁義禮五者一體也

離而用之則有五合而渾之則為一一所以貫五五所以衍一

道者人之所蹈使萬物不知其所由

道之衣被萬物廣矣大矣一動息一

語默一出處一飲食大而八弦之表小而芒芥之內何適而非道也仁不足以名故仁者見之謂之仁智不以盡故智者見之謂之智百姓不足以見故

日用而德者人之所得使萬物各得其所

求之謂

不知也得非德之至也求於規矩者得方圓而已矣求於權衡者得輕重而已矣求於德者無所欲而不得君臣父子得之以為君臣父子昆蟲

矣求以為

昆蟲草木大得以成大小得以成小邇之一身遠之萬物無所欲而不得也

仁者人之所親有慈惠

惻隱之心以遂其生成

仁之爲體如天無不覆如海無不
容如雨露雨露無不潤慈惠惻隱所以

用仁者也非親於天下而天下自親之無一夫不獲其所無一物不獲其生書曰鳥獸魚鼈咸若詩曰敦彼行牛羊勿踐履其仁之至也

義

者人之所宜賞善罰惡以立功立事

理之所在謂之義
順理而決斷所以

行義賞善罰惡義之理也立功立事義之斷也

禮者人之所履夙興夜寐以成人

倫之序

禮履也朝夕之所履踐而不失其序者皆禮也言動視聽造次必於是放僻邪侈從何生乎

夫欲爲人

之本不可無一言

老子曰失道而後德失德而後仁失仁而後義失義而後禮失者散也道散而爲德德散而爲

仁仁散而爲義義散而爲禮五者未嘗不相爲用而要其不散者道妙而已老子言其體故曰禮者忠信之薄而亂之首黃石公言其用故曰不可無一

焉
賢人君子明於盛衰之道通乎成敗之數審乎

治亂之勢達乎去就之理

盛衰有道成敗有數治亂有勢去就有理

故潛居

抱道以待其時

道猶舟也時猶水也有舟楫之利而無江河以行之亦莫見陟利也

若時至而

行則能極人臣之位得機而動則能成絕代之功

如其不遇沒身而已

養之有素及時而動機不容髮豈容擬者哉

是以其道高

而名重於後代

道高則名隨於後而重矣

右第一章言道不可無始

正道章第二

德足以懷遠

懷者中心悅而誠服之謂也

信足以一異義足以得衆

有行有爲而人宜之則得衆衆人矣

才足以鑒古明足以照下此人之

俊也行足以爲智表智足以決嫌疑

嫌疑之際非智不決

信可

以使守約廉可以使分財此人之豪也守職而不

廢

孔子爲委吏乘田之賦是也

處義而不同

追於利害之際也確然守義者此乎回也

見嫌而不

苟免

周公不嫌於居揖名公則有所嫌也孔子不嫌於見南子子路則有嫌也居嫌而不苟免其惟至名乎

見利而不

祈禳

得此人之傑也

俊者峻於人豪者高於人傑者桀於人有德有信有義有才有明者俊之事也有行有智有廉

者豪之事也至於傑則才行不以明之矣然傑勝於豪豪勝於俊也

右第二章言道不可以非正

求人之志第三

絕嗜禁欲所以除累

人性清靜本無繫累嗜欲所牽捨己逐物

抑非捐惡所

以禳過

禳猶祈禳而去之也非至於無抑惡至於無損遇可以無禳矣

貶酒闕色所以無汚

色敗精精耗則害神酒敗神神傷則害精

避嫌遠疑所以不悞

於迹無嫌於心無疑事乃不悞爾

博

學切問所以廣知

有賢聖之資而不廣之以學問弗勉故也

高行微言所以

脩身

行欲高而不屈言欲微而不彰

恭儉謙約所以自守深計遠慮所

以不窮

管仲之計可謂能九合諸侯矣而穹於王道商鞅之計可謂能強國矣而穹於仁義弘羊之計可謂能聚財矣而穹於養民凡

有穹者俱非計也

親仁友直所以扶顛

聞譽而喜者不可以友直

近恕篤行所

以接人

極高明而道中庸聖賢之所以接人也高明者聖賢之所獨中庸者衆人之所同也

任材使能所

以濟物

應變之謂材可用之謂能材者任之而不可使能者使之而不可任此用人之術也

瘴惡斥讒所

以止亂

讒言惡行亂之根也

推古驗今所以不惑

因古人之迹推古人心以驗方今之事

豈有惑哉

先揆後度所以應卒

執一足之度而天下之長短盡哉在是矣倉卒事物之來而應之無窮者

揆度有數也

設變致權所以解結

有正有變有權有經方其正有所不能行則變而歸之於正也方其

經有所不明用即權而歸之於經也

囊括順會所以無咎

君子語默以時出處以道囊括而不見其美順

會而不發其機所以無咎

櫛櫛梗梗所以立功孜孜淑淑所以保

終

概概者有所恃而不可搖梗梗者有所立而不可撓孜孜者勤之又勤淑淑者善之又善立功莫如有守保終莫如無過也

右第三章志不可以妄求

本德宗道章第四

夫志心篤行之術長莫長於博謀

謀之欲博

安莫安於

忍辱

至道曠夷何辱之有

先莫先於修德

外以成物內以成己修德也

樂莫樂於

好善神莫神於至誠

無所不通之謂神人之神與天地參而不能神於天地者以其至不誠也

明

莫明於體物

記云清明在躬去氣如神如是則萬物之來豈能逃吾之照乎

吉莫吉於知足

知足之吉吉之義吉

苦莫苦於多愿

聖人之道泊然無欲其於物也來則應之去則已之未嘗有愿也古之多愿者莫如

秦皇漢武國則愿富兵則愿強功則愿高名則愿貴宮室則愿華麗姬嬪則愿美豔四夷則愿服神仙則愿致然而國愈貧兵愈弱功愈卑名愈鈍卒至於所求不獲而遣狼狽者多愿之所苦也夫治國者固不可多愿至於賢人養身之方所守其可以不約乎

悲莫悲於精

散

道之所生之謂一純一之謂精精之所發之謂神其潛於無也則無生無死無先無後無陰無陽無動無靜其含於神也則爲明爲哲爲知爲

識血氣之品無不稟受正用之則聚而不散邪用之則散而不聚目淫於色則精散於色矣耳淫於聲明精散於聲矣口淫於味則精散於味矣鼻淫於臭則精散於臭矣散之不已其能久乎

病莫病於無常

天地所以有長者久以其有常也人而無常不其病乎

短莫短於苟得

以不義得之必以不義失之未有苟得而能常也

幽莫幽於貪鄙

以身殉物

孤莫孤於自恃

桀紂自恃其才智伯自恃其強項羽自恃其勇高莽自恃其智九載慮杞自恃其狡

自恃其氣驕於外而善不入耳不善則孤而無助及其敗天下爭從而亡之

危莫危於任疑

漢疑韓信而任之而信幾

叛唐疑李懷光而敗莫敗於多私賞不以功罰不以罪喜佞惡直黨

任之而懷光遂叛天下之怒此私之所敗也

右第四章言本宗不可以離道德

遵義第章五

以明示下者闇

聖賢之道內明外晦惟不足於明者以明示下乃其所以闇也

有過不知者

蔽

聖人無過可知賢人之過迷形而悟有過不知其愚蔽甚矣

迷而不返者

迷於酒者不知其伐吾性也迷於色者不

知其伐吾命也迷於利者不知其伐吾志也人本無迷惑者自迷之矣

惑以言取怨者禍

行而言之則機在我

而禍在人言而不行則機在人而禍在我

會與心乖者廢

心以出會令以行心

後令謬前者

毀

號令不一心無信而日毀棄矣

怒而無威者犯

文王不大聲以色四國畏之孔子曰不怒而民威於斧鉞

好

直辱人者殃

已欲沾直名而置人於有過之地取殃之道也

戮辱所任者危

人之云亡危亦

隨慢其所敬者凶

以長幼而言則齒也以朝廷而言則爵也以賢愚而言則德也三者皆可敬而外敬則齒也爵

也內敬則德也

貌合心離者孤親讒遠忠者凶

讒者善揣摩人主之意而中之忠者

惟逆人主之過而練之合意者多悅逆意者多怒此子胥殺而吳亡屈原放而楚亡也

近色遠賢者昏女

謁公行者亂

太平公主韋庶人之禍是也

私人以官者浮

淺浮者不足以勝名器如牛仙

客爲宰相之類是也

凌下取勝者侵名不勝實者耗

陸贄曰名近於虛於教爲重利

近於實於義爲輕然則實者所以致名者者所以符實名實相副則不耗遺矣

略己而責人者不治自